



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno CCCCLII. ad annum CCCCLXXX.

Parisiis, 1644

Synodus Ad Qvercvm Habita, Anno CCCCLIII. In Causa Chrysostomi & Photii.

urn:nbn:de:hbz:466:1-14918

rhaginenſis eodem tempore celebrato præſidebat, vt infra dicemus.

^a *Arcadio & Honorio V. conſulibus.*] In Concilio Africano ſub Cæleſtino, Can. 52. omiſſo numero conſulatus additur *viris clariffimis*: ſed mendose & imperitorum librariorum errore. Nam eiufmodi nomenclatura ab imperatoribus abhorret, ſoletque tantum poni, vbi alii ſub imperatore conſtituti nobiliſſimi viri, eadem conſulatus dignitate donantur. Puto accidiffe, quod loco harum duarum literarum V.C. quintum conſulatum denotantes, illi *viris clariffimis* poſuerint. Hoc Concilium vere ſub quinto conſulatu Arcadii & Honorii celebratum eſſe, ex dicto Africano Concilio exploratiſſime demonſtratur. Nam cum quod præcedit ſuperius Concilium, Vincentio & Flabito conſulibus, anno Chriſti 401. habitum fuiſſe reperiatur, quodque poſt hanc Mileuitanam Synodum ibidem ſubiungitur, ſub conſulibus ann. 403. celebratum fuerit, perſpicue ſignificatur Concilium medio loco ibidem collocatum, hoc anno 402. ſub V. conſulatu Arcadii & Honorii coactum fuiſſe. Baron. anno prædicto num. 57.

ANNO
CHRISTI
402.

^a SYNODVS ^b AD QVERCVM HABITA,
ANNO CCCCIII. IN CAUSA
Chryſoſtomi & Photii.

ACTA ^c huius Synodi extant ex Photii bibliotheca apud Baronium, anno 403. num. 17. 18. 19.

ANNO
CHRISTI
403.

NOTÆ.

Cauſa
Concilii.Theophi-
lus Chry-
ſoſtomo
litem mo-
uet.Chryſoſt.
citatur a
Theophilo
ad iudiciũ.

Chryſoſt.

^a *Synodus.*] Cauſa habitæ Synodi hæc eſt: Theophilus ad dicendam cauſam de criminibus illi ab Origeniſtis impoſitis Conſtantinopolim euocatus cunctanter venit: verum in itinere collegit episcopos, quibus ad Chryſoſtomi deſiſtionem abuteretur; propterea quod Chryſoſtomus Origeniſtarum fautor eſſe videretur. Cum igitur perueniſſet Conſtantinopolim, in ſuburbio per tres hebdomadas ſubiſtens, ex reo ſubito factus actor & iudex, conſilio ſuo patefacto, omnes variis de cauſis Chryſoſtomo inſenſos episcopos, clericos, monachos, viros, feminas, ipſam quoque imperatricem Eudoxiam excitat ad accuſationes in eum intendendas, quas ipſe in Synodo diiudicandas ſuſcepit. Facta citatione Chryſoſtomi, quadraginta episcopos Conſtantinopoli congregati, eius nomine reſponderunt: *Ne ſoluas, inquit, Nicæni Concilii Canones, cauſasque citra tuos terminos ne cognoſcas, ipſe potius tranſi ad nos in bene inſtitutam ciuitatem, qui plures ſumus ex diuerſis prouinciis, in quibus & ſeptem metropolitæ; & vos triginta ſex tantum ex vna prouincia: habemus enim contra te libellos capitum 70. apertas & nefarias actiones continentes, &c.* Ipſe vero Ioannes Chryſoſtomus reſpondit: *Abicite de medio ve-*

ANNO
 CHRISTI
 403.

*strum apertos inimicos meos, & de loco non contendam, in quo oportet me
 iudicari.* Cum quarto citatus, quarto sic respondisset, ad extre-
 mum ad Synodum œcumenicam prouocauit. At illi nulla habita-
 ratione appellationis, sententiam depositionis in eum tulerunt, re-
 lationemque ad imperatorem miserunt. *Quoniam accusatus, in-
 quiunt, Ioannes quorundam criminum, consciusque ad ea diluenda oc-
 currere noluit: huiusmodi vero deponunt leges, id quod & passus est. Con-
 tinent autem libelli & lese maiestatis crimen. Iubeat hunc pietas vestra
 expelli, vel inuitum daturum tanti criminis pœnas: nobis enim ista non
 licet inquirere.* Misso igitur tertio die post abdicationem cum mi-
 litibus comite, circa vesperum, ne tumultus fieret, se ad nauim per-
 ducendum præbuit. Abductione eius cognita, magna populi sediti-
 o concitatur, vt etiam alieniores ab eo ad innocentis cœcti com-
 miferationem commouerentur. Qua causa, & quod terræmotus ea
 nocte factus terrorem imperatrici incussisset, pluribus nuntiis vno
 post alium missis imperator eum reuocat, & magno populi applau-
 su accipitur. Restitutus petit ab imperatore suam causam in legi-
 tima Synodo tractari; quam Theophilus futuram timens, cum suis
 fugam arripuit: per literas imperatoris vocatus, prætexens plebis
 furorem, eiusque timorem, venire contempsit. Hæc ex Socrate,
 Sozomeno, Theodoro, Palladio, & maxime ex epistola ipsiusmet
 Chrysofomi ad Innocentium. Baronius anno 403. num. 1. vsque
 ad 32. inclusiuè.

declinat iu-
 dicio su-
 spectum.

Chrysof.
 episcopatu
 abdicatur,
 & vrbe ex-
 pellitur.

Chrysof.
 miraculose
 in vrben
 reductus.

° *Ad Quercum habita.*] Locus Synodi ad Quercum dictus fuit sub-
 urbium Calchedonis, quod a Rufino consulari iam cognomen ha-
 bet, & dicitur Rufini suburbium, in quo & regia est & ampla eccle-
 sia, quam ipse Rufinus in honorem apostolorum Petri & Pauli ex-
 truxit, & apostolæum ex his appellauit. Hunc locum episcopi ad-
 uersarii consulto delegerunt, ne scilicet vim populi suo pastori addi-
 tissimi experirentur. Hæc ex Pallad. & Sozom. Baronius, prædicto
 loco.

Locus ad
 Quercum
 dictus, cur,
 & qualis

° *Acta, &c.*] Extant apud Photium in bibliotheca a Frederico
 Metio translata. Sed cum in his desiderentur ea quæ ipsemet Chry-
 sofomus epist. ad Cyriacum episcopum sibi ab illis obiecta scribit;
 nimirum quod non ieiunis eucharistiam porrexisset, quodque cum
 muliere dormisset; eorumque etiam, quæ a Sozomen. lib. 8 cap. 18.
 recensentur, nulla plane mentio fiat legitima sintne hæc acta, an po-
 tius post obitum Chrysofomi conficta, dubitari potest. Baronius
 num. 17. & 20.

An acta
 Concilii
 commenti-
 tia sint.